

Phau Ntawv Qhia txog Kev Xeem Thoob lub Xeev rau Niam Txiv/Neeg Saib Xyuas

Phau ntawv no muaj qho yam hauv paus lus qhia kom cov niam txiv/neeg saib xyuas paub los ntaus cov kev txiav txim uas yuav pab lawv tus neeg kawm ntawv thiab lawv lub tsev kawm ntawv thiab zej zos.

Vim li cas thiaj muaj xeem thoob lub xeev?

Minnesota muab nws kev qhia ntawv thiab kev txawj ntawm nws cov xib fwb saib ua ib qho tseem ceeb. Minnesota cov xib fwb tau tsim muaj cov kev tswj kawm uas nruj thiab npaj peb cov neeg kawm ntawv rau kev haujlwm los sis kawm ntawv qib siab.

Cov kev xeem thoob lub xeev qhia seb tam li ib lub xeev peb ho kho cov kev tswj kawm tau li cas kom dhos rau tej yam uas nej hnuv qhia nyob rau peb cov tsev kawm ntawv, tswj kom tag nrho cov neeg kawm ntawv tau kev kawm ntawv zoo sib nrawg nroos. Thiab cov qhab nias los ntawm cov kev xeem thoob lub xeev yog ib qho kev pab tswj xyuas kom peb muaj ib txoj kev kawm ntawv rau peb cov tub ntshais uas yuav pab kom lawv ua tau neeg ua haujlwm thiab pej xeem zoo.

Cov Hom Phiaj Kev Kawm thiab Xeem

Cov hom phiaj kev kawm yog dab tsi?

Minnesota cov Hom Phiaj Kev Kawm K-12 yog cov kev npaj kom neeg kawm ntawv kawm tau. Lawv qhia txog kev paub thiab txawj uas tag nrho cov neeg kawm ntawv yuav tsum kawm tau nyob rau ib hom kev qhia thaum kawm tas ib qib kawm. Cov koog tsev kawm ntawv tsim muaj cov kev qhia los xyuas seb cov neeg kawm ntawv yuav kawm ncav tau zoo txog cov hom phiaj li cas.

Dab tsi yog qhov kev sib yooq sib dhos los ntawm cov kev xeem thoob lub xeev thiab cov hom phiaj kev kawm?

Cov kev xeem thoob lub xeem txog lej, kev nyeem, thiab kev txuj ci raug siv los ntsuas seb cov neeg kawm ntawv, thiab lawv tsev kawm ntawv thiab lub koog, ho ua puas ncav tau li cas txog cov hom phiaj kev kawm. Cov kev xeem thoob lub xeev yog ib qhov kev ntsuas seb cov neeg kawm ntawv kawm tau zoo npaum cas rau hom kawm uas yog ib feem ntawm kev qhia rau lawv txhua hnuv. Thiab nws yog ib qhov kev ntsuas seb cov tsev kawm ntawv thiab koog ho kho lawv cov kev qhai thiab cov hom phiaj kev qhia sib dhos tau zoo li cas.

Minnesota Kev Xeem txhij Txhua (MCA) thiab Minnesota Kev Xeem Kev Txawj Ntawv (MTAS)

- Xeeem raws los ntawm Minnesota cov Hom Phiaj Kev Kawm
- Muaj eem txhua xyoo nyob rau cov qib 3–8 thiab nyob rau tsev kawm ntawv qib qis theem kawg (high school) rau kev nyeem thiab lej; xeeem txhua xyoo nyob rau cov qib 5, 8 thiab xeeem kev txuj ci nyob rau tsev kawm ntawv qib qis theem kawg
- Cov neeg kawm ntawv feem ntau xeeem tus MCA
- MTAS yog ib qhov kev cia xeeem rau cov neeg kawm ntawv uas muaj teeb meem kawm tsis tau ntawv tshaj plaws

ACCESS thiab Lwm Hom (Alternate) ACCESS rau cov Neeg Kawm Ntawv Askiv

- Xeeem raws los ntawm cov Hom Phiaj Kev Kawm Txawj Lus Askiv WIDA
- Muaj xeeem kev nyeem, sau, mloog, thiab hais lus txhua xyoo rau cov Neeg kawm Askiv nyob rau cov qib K-12
- Cov Neeg kawm Askiv feem ntau xeeem ACCESS rau ELLs
- Lwm Hom ACCESS rau ELLs yog ib qho cia xeeem rau cov neeg kawm Askiv uas muaj teeb meem kawm tsis tau ntawv tshaj plaws

Siv sijhawm hov ntau los xeem thoob lub xeev?

Muaj xeem cov kev xeem thoob lub xeev ib xyoos ib zaug; cov neeg kawm ntawv feem ntau xeem online. Xam los mus, lub sijhawm siv los xeem cov kev xeem thoob lub xeev **tsawg dua ib feem pua ntawm sijhawm qhia kawm** nyob rau ib xyoos kawm ntawv. Tsis npav sijhawm rau cov kev xeem thiab cov neeg kawm ntawv siv tau sijhawm ntev li lawv xav tau.

Cov neeg kawm ntawv xeem thaum twg?

Txhua lub tsev kawm teem nws cov sijhawm xeem kom txhob dhau rau xeev cov sijhawm kom xeem. Hu rau koj tus neeg kawm ntawv tsev kawm ntawv seb yuav xeem rau hnuv twg.

- Sijhawm pib xeem tus MCA thiab MTAS yog pib rau lub Peb Hlis Ntuj thiab tas rau lub Tsib Hlasi Ntuj.
- Sijhawm xeem tus ACCESS thiab alternate ACCESS for ELLs yog pib rau lub Ib Hlis Ntuj tas thiab tas rau lub Peb Hlis Ntuj.

Vim li cas cov kev xeem thiaj mus tau zoo raws siab xav?

Minnesota ntseeg tias yog xav ntsuas kom tau zoo seb cov neeg kawm ntawv ho kawm tau li cas, cov kev xeem yuav tsum txhob yog hom nug uas kom xaiv ib qho lus teb xwb.

- Yuav teb cov lus nug, tej zaum cov neeg kawm ntawv yuav tau ntaus ntawv teb, cab thib tso tawm tej duab los sis tej lus, los sis los kho ib daim duab qhia los sis lus qhia.
- Qhov Xeem Kev Nyeem thiab Lej MCA yog hom npaj teb kom dhos, txhais tias cov lus teb uas ib tug neeg kawm ntawv teb yuav qhia tau txog cov lus nug tom ntej uas tus neeg kawm ntawv yuav tau teb.
- MCA tus xeem kev txuj ci kom siv kev txawj los rov ua, uas yog kom cov neeg kawm ntawv sim ua tej yam dab tsi es thiaj teb tau cov lus nug.

Tag nrho cov nov muab lub sijhawm rau cov neeg kawm ntawv siv hlwb xav tawm tseem ceeb uas yuav pab kom mus tau zoo nyob rau kev kawm ntawv qib siab los sis laj kam haujlwm thiab qhia seb lawv ho paub thiab ua tau dab tsi.

Vim tias cov ntsiab kev xeem yeej yog kiag los ntawm cov ntsiab kev qhia, kev npaj los xeem cov kev xeem thiaj siv tib cov kev paub, txheej txheem, thiab tswv yim uas siv nyob rau cov chav kawm zoo tshaj plaws.

Thaum twg kuv mam tau kuv tus neeg kawm ntawv cov qhab nias?

Txhua lub caij ntuj so, Tus Neeg Kawm Ntawv cov Qhab Nias (Individual Student Reports) raug xa mus rau cov koog tsev kawm ntawv thiab mam xa rau cov tsev neeg tsis pub dhau rau thaum mus sib ntsib lub caij nplooj zeeg. Yuav siv tau koj tus menyuam cov qhab nias los xyuas seb nws ho kawm tau zoo tsis zoo li cas thiab pab los npaj kev qhia tom ntej.

Es yog kuv ho xaiv tsis cia kuv tus neeg kawm ntawv los koom ne?

Minnesota cov Cai kom MDE los luam tawm ib daim ntawv rau cov niam txiv/neeg saib xyuas ua kom tiav yog lawv tsis kam lawv tus neeg kawm ntawv koom rau cov kev xeem raws hom phiaj los ntawm lub xeev. Daim ntawv siv los ua kom ncau tau rau qhov no muaj nyob rau MDE lub website nyob rau chaw nkag hauv qab no. Tej zaum koj tus neeg kawm ntawv lub koog yuav xav tau lus teb qhia lwm yam ntxiv.

Vim li cas kev koom thiaj tseem ceeb?

Ib qho kev xeem thoob lub xeev tsuas yog ib qho kev ntsuas koj tus neeg kawm ntawv kev kawm tiav tau, tiam sis koj tus neeg kawm ntawv kev koom ntawd tseem ceeb nyob rau kev yuav los to taub seb kev qhia ntawv nyob rau nws lub tsev kawm ntawv ho dhos haum rau cov hom phiaj kev qhia tau zoo li cas.

- Cov neeg tswj kev kawm ntawv thiab neeg tawm cai tswj siv lus qhia tau los ntawm cov kev xeem los txiav txim rau cov kev pab thiab kev txhawb uas cia tau.
- Cov niam txiv thiab pej xeem sawv daws siv lus qhia tau los ntawm kev xeem los sib piv cov tsev kawm ntawv thiab txiav txim seb yuav yuav ib lub tsev nyob los sis tso lawv cov menyuam npe kawm rau qhov twg.

Yuav xam tias ib lub tsev kawm ntawv qhov haujlwm muaj kev tu ncau yog tias tsawg dua 95% ntawm cov neeg kawm ntawv koom rau kev xeem.

Kev ua tau raws nkaus cov hom phiaj txhais tau tias “kev qhia rau kev xeem” yog ib qhov tseem ceeb tiag nyob rau cov hom phiaj kev kawm uas twb yeej yog ib feem ntawm kev qhia ntawv txhua hnuv.

Kuv yuav tau lus qhia ntxiv los ntawm qhov twg?

Nrhiav lus qhia tseeb hais txog kev xeem thoob lub xeev rau cov neeg kawm ntawv thiab tsev neeg nyob rau lub [Kev Xeem Thoob Lub Xeev ntawm MDE qhov vas sab](#) (education.state.mn.us > Students and Families > Statewide Testing).